

Visoki predstavnik pozdravlja uspostavljanje novog Vijeća ministara

Visoki predstavnik, Wolfgang Petritsch, pozdravlja uspostavljanje novog Vijeća ministara na čelu sa Zlatkom Lagumdžijom kao predsjedavajućim, i Antom Domazetom kao ministrom trezora, čije je imenovanje danas potvrdio Predstavnički dom BiH.

Visoki predstavnik vjeruje da će novo Vijeće ministara svoju pažnju odmah usmjeriti na hitne zadatke, potrebne da bi se osiguralo da Parlament usvoji Izborni zakon. Ovaj zakonski akt ne samo da predstavlja jedini preduvjet da Bosna i Hercegovina pristupi Vijeću Evrope, kao i zahtjev određen "Smjernicama /Roadmap/" Evropske unije, nego je to od sustinske važnosti za jednu demokratsku državu. Gradjanima BiH su efektivno uskracena njihova prava sve dok njihovi izabrani predstavnici ne usvoje zakon koji je potreban da bi se održali izbori.

Visoki predstavnik je uvjeren da novi predsjedavajući posjeduje stručnost, odlučnost i vodjstvo da nastavi sa programom ekonomske reforme, povratka i povrata imovine koji je slijedila uprava na čelu sa gospodinom Maticem, kao i da takodje nastavi rad na jačanju državnih institucija.

Druga oblast koja zahtijeva hitnu i kontinuiranu pažnju je reforma državne slu je reforma državne službe. Nacrt zakona, čiji je cilj povećanje standarda javne uprave, nedavno je dostavljen Vijeću na razmatranje.

Visoki predstavnik poziva druge državne institucije i entitetske vlade da suradjuju sa novim Vijećem ministara i da na taj način osiguravaju interese svih BiH gradjana. Visoki predstavnik je spreman da Vijeću pruži svoju podršku u duhu

partnerstva i podjele odgovornosti. Visoki predstavnik upućuje svoje čestitke gospodinu Lagumdžiji i njegovim kolegama.